



Adresseliste

03 SEPT. 2012

Vår dato:

Vår ref.: NVE 201203609-2 kv/mgv

Arkiv: 312

Dykkar dato:

Dykkar ref.:

Sakshandsamar:

Magne Geir Verlo

22 95 95 34

Østfold Energi Høring av søknad om bygging av Mørkedøla pumpestasjon i Lærdalsvassdraget - Lærdal kommune - Sogn og Fjordane

NVE har motteke søknad frå Østfold Energi om bygging av Mørkedøla pumpestasjon i øvre del av Lærdalsvassdraget. Søknaden blir sendt på høring til alle som saka vedkjem. Høyringsfrist er 01. desember 2012.

Tiltaket omfattar etablering av inntak i Mørkedøla med pumpestasjon ca kote 839, bygging av vassveg i ein kombinasjon av rørgate og tunnel og samankopling av denne med eksisterande vasstunnel mellom Eldrevatn og Vassetvatn.

Søknaden inneheld eigne fagrapportar om hydrologi og biologisk mangfald.

Søknaden skal handsamast etter reglane i vassdragsreguleringslova § 6, og blir kunngjort av NVE. Kopi av kunngjeringa ligg vedlagt..

Søknaden vedlagt fagrapportane er tilgjengelege på internettsida til NVE: www.nve.no/Vannkraft. Om høyringspartane ønskjer ein papirversjon av søknaden kan dei kontakte Østfold Energi v/Dagfinn Bentås på e-post: db@ostfoldenergi.no eller tlf 57 66 72 66 / 902 75417

Vi viser elles til vedlagde informasjonsark som forklarar sakshandsaminga frå søknaden blir sendt på høring og fram til endeleg vedtak. Av dette går det fram kva vi ønskjer tilbakemelding på.

Vi bed Lærdal kommune om å kunngjere saka på sine heimesider, og legge to eksemplar av søknaden med fagrapportar ut til offentleg gjennomsyn i Lærdal Rådhus fram til **01. desember 2012**. Det eine eksemplaret kan om naudsynt lånast ut for kortare tid (2- 3 dagar). Det andre må ikkje fjernast frå utleggingsstaden.

Fråsegner skal sendast, gjerne via internett www.nve.no/Vannkraft, eller nve@nve.no, eller i brev til NVE-Konsesjonsavdelinga, Postboks 5091 Majorstua, 0301 Oslo, så snart som mogeleg og seinast 01. desember 2012.

Hovedkontor

Middelthunsgate 29
Postboks 5091, Majorstuen
0301 OSLO

Region Midt-Norge

Vestre Rosten 81
7075 TILLER

Region Nord

Kongens gate 14-18
8514 NARVIK

Region Sør

Anton Jenssensgate 7
Postboks 2124
3103 TØNSBERG

Region Vest

Naustdalsvn. 1B
Postboks 53
6801 FØRDE


Region Øst

Vangsveien 73
Postboks 4223
2307 HAMAR



Fråsegner eller delar av fråsegner vil bli referert i innstillinga i saka frå NVE til Olje- og energidepartementet (OED). Om fråsegna er lang, er det difor ein fordel om det er utarbeidd eit samandrag som kan brukast til dette. Fråsegner er offentlege dokument. Sentrale saksdokument blir lagt ut på NVE sine internettsider.

Med helsing



Carsten Stig Jensen
seksjonssjef



Magne Geir Verlo
senioringeniør

Vedlegg: Kopi av kunngjering, info.ark om sakshandsaminga

Kopi u/vedlegg: Østfold Energi, Borgund kraftverk, 6888 Borgund

Adresseliste for: Østfold Energi – Søknad om bygging av Mørkedøla pumpestasjon i Lærdalsvassdraget

Handsamast etter: Vassdragsreguleringslova § 6.

Blir kunngjort av NVE to gonger i: *Sogn Avis og Norge.no/Norsk Lysingsblad*

Alle på adresselista får kopi av kunngjering.

| Ant. søkn | Namn/adresse |
|-----------|---|
| 4 | Lærdal kommune, Postboks 83, 6886 LÆRDAL |
| | Sogn og Fjordane fylkeskommune, Askedalen 2, 6863 LEIKANGER |
| | Fylkesmannen i Sogn og Fjordane, 6863 LEIKANGER |
| | Vassregion Sogn og Fjordane, Askedalen 2, 6863 LEIKANGER |
| | Olje- og energidepartementet, Postboks 8148 Dep, 0033 OSLO (til orientering) |
| | Statens Landbruksforvaltning, Pb 8140 Dep, 0033 OSLO (til orientering) |
| | Direktoratet for naturforvaltning, Tungasletta 2, 7485 TRONDHEIM |
| | Norges geologiske undersøkelser, 7491 TRONDHEIM |
| | Vegdirektoratet, Postboks 8142 Dep, 0033 OSLO |
| | Statens vegvesen Region Vest, Askedalen 4, 6863 LEIKANGER |
| | Direktoratet for mineralforvaltning, Postboks 3021 Lade, 7441 TRONDHEIM |
| | Riksantikvaren, Postboks 8196 Dep, 0034 OSLO |
| | Statskog SF, Postboks 7390, 5020 BERGEN |
| | Friluftslivets fellesorganisasjon, Nedre Slottsgate 25, 0157 OSLO |
| | Samarbeidsrådet for naturvernsaker, Postboks 7 Sentrum, 0101 OSLO |
| | Samarbeidsrådet for biologisk mangfold, Postboks 6784 St Olavs Plass, 0130 OSLO |
| | Norges Naturvernforbund, Postboks 342 Sentrum, 0101 OSLO |
| | Norges Naturvernforbund Sogn og Fjordane, Postboks 470, 6853 SOGNDAL |
| | Den Norske Turistforening, Postboks 7 Sentrum, 0101 OSLO |
| | Sogn og Fjordane Turlag, Langebruvegen 9, 6800 FØRDE |
| | Norges Jeger- og Fiskerforbund, Postboks 94, 1378 NESBRU |
| | Norges Jeger og Fiskerforbund Sogn og Fjordane, Rygg, 6823 SANDANE |
| | Norske Lakseelver, Postboks 9354 Grønland, 0135 OSLO |
| | Lærdal Elveeigarlag v/ Lasse Sælthun, 6887 Lærdal |
| | Norsk Ornitologisk Forening, Seminarplassen 5, 7060 KLÆBU |
| | Norges Bondelag, Schweigaardsgt. 34, 0191 OSLO |
| | Statnett, Postboks 5192 Majorstuen, 0302 OSLO |



| | |
|--|--|
| | Lærdal Energi, Grandav. 6887 LÆRDAL |
| | Villreinvtalet for Nordfjella v/ Lars Nesse, 6888 BORGUND |
| | Nordfjella Villreinnemnd, Askøyvegen 10, 3580 GEILO |
| | Grunneigarlaget for villreivalda i Lærdal v/Finn Mo, 6887 LÆRDAL |



SAKSHANDSAMINGSRUTINAR VED SØKNAD ETTER VASSDRAGS-REGULERINGSLOVA UTAN KONSEKVENSTUTGREIING

Generelt

Søknaden gjeld eit kraftutbyggingsprosjekt etter vassdragsreguleringslova (reguleringslova). Reguleringar av magasin og overføring av vatn som gir ei kraftauke utover 500 naturhestekrefter (eller 3000 naturhestekrefter i heile vassdraget) blir handsama etter reglane i reguleringslova. Tilleggsoverføringar eller –reguleringar blir handsama etter reguleringslova utan omsyn til storleik. NVE kan ikkje fatte vedtak etter reguleringslova, men skriv tilråding til Olje- og energidepartementet (OED).

Prosjektet fell ikkje inn under reglane i plan- og bygningslova om konsekvensutgreiing.

Vi viser til våre nettsider for meir informasjon: www.nve.no/vannkraft-ku.

Handsaming av søknaden fram til endeleg avgjerd

NVE sender saka på høyring til dei kommunane, fylkesmenn, fylkeskommunar, statlege forvaltningsorgan og interesseorganisasjonar som saka vedkjem. Høyringsperioden er minst tre månader. Saka blir kunngjort i lokale aviser, finst tilgjengeleg til gjennomlesing i kommunen og kan lastast ned frå NVE sine nettsider.

Etter høyringsperioden får søkjar høve til å kommentere innkomne fråsegner. Når NVE har motteke desse kommentarane vil NVE i mange saker (avhengig av omfanget av saka) invitere til ei synfaring i samarbeid med søkjar. Kommunen, fylkeskommunen, Fylkesmannen og andre partar som saka vedkjem vil få høve til å delta. Under synfaringa er det mogleg å utdjupe aktuelle problemstillingar og å peike på forhold som er teken opp i høyringsrunden.

NVE vil deretter gi si tilråding i saka til OED. Ved ei totalvurdering står NVE fritt til å vurdere om konsesjon skal tilrådest og i kva utstrekning. Søknaden og innkomne fråsegner er viktige grunnlag for denne vurderinga.

Dersom NVE tilrår å gi konsesjon, vil forslag til konsesjonsvilkår og ev. manøvreringsreglement vere lagt ved innstillinga til OED. Vilkåra inneheld reglar om m.a. konsesjonstid, revisjon av vilkår, konsesjonsavgifter til staten og kommunar, konsesjonskraft, godkjenning av detaljplanar for

utbygginga, tersklar, erosjon, naturforvaltning, forureining, kulturminne og sanksjonsreglar ved ev. brot på vilkåra. Ein viktig del av vilkåra er manøvreringsreglementet som gir rammene for konsesjonen, med m.a. reglar for vasslepping og reguleringshøgder.

Departementet sender NVE si tilråding ut på ei avgrensa høyring til dei kommunar og departement som saka vedkjem. Deretter fremjar OED saka for regjeringa som fattar endeleg vedtak.

Dersom det er søkt om løyve etter energilova for elektriske anlegg i kraftverk/høgspenningsoverføringsanlegg, vil NVE gi nødvendige konsesjonar etter at reguleringslovsaka er endeleg avgjort.

Kva forventast av høyringsinstansane?

Formålet med høyringa er å få synspunkt på dei framlagde planane og alternativa som er presentert, vurdert etter konfliktgrad. Det er ønskjeleg med grunngitte synspunkt på om planane bør gjennomførast, ev. val av alternativ eller avgrensingar i planane. NVE ønskjer også grunngitte forslag til avbøtande tiltak som kan redusere skadane ved gjennomføring av planane.

NVE ventar at kommunen spesielt omtalar tilhøve knytt til kommuneplanen. I tillegg bør kommunen gi ei oversiktleg framstilling av forholdet mellom den omsøkte planen og dei lokale interessene. Dersom søknaden også gjeld løyve til elektriske anlegg, ber vi kommunen uttale seg om dette.

Faginstansar som Fylkesmannen og fylkeskommunen har eit særleg ansvar for å vurdere søknaden i forhold til sine respektive ansvarsområde. Vassregionmyndigheita skal vurdere om dei meiner tiltaket bør vurderast etter vassforskrifta § 12 eller ikkje.

Om mogleg ønskjer vi at fråsegner sendast elektronisk, gjerne direkte via våre nettsider, www.nve.no/vannkraft.

Rett til motsegn

Kommunar, fylkeskommunar, Sametinget og statlege fagetatar kan fremje motsegn. Ei eventuell motsegn må fremjast i høyringsperioden. Vi viser til Rettleiar 3/2010 s. 17 for nærmare informasjon om dette (se www.nve.no/vannkraft-ku).